

iecta: dixit sororibus. **U**ivit dominus me? nisi collegero ligna et septimanam meam complevero: non ascendam. Cui iulia dixit. **N**oli domina soror: non vales. Dimitte ego colligas ea: tu ascende requiesce propter dolorem. Illa vero non acquieuit: sed complens manus suas lignis. sic ascendit. Cui tamen dyabolus non pepercit. Nam cum ascendisset superiores gradus scale: calcans summitatem tunice sue: super ipsum lignum ruit quod portabat. et fixum est lignum in aspectu eius. ita ut sorores crederent: quia lignum eius oculum penetrasset. Tunc exclamans iulia: ait ad eam. **D**omina mea tibi dixi quia non potes requiescere: et non me audisti. Cui dixit eufraxia. **C**aute subtrahere a me lignum: oculus meus sanus est. Traxit ergo ab ea lignum. et sanguinis facta est effusio vehemens. Abbatissa vero deferens oleum. et facta oratione supposuit ei manus: rursusque dixit ad eam. **V**ade ad stratum tuum requiesce: et ego dominis sororibus ministerium tuum iniungo. Eufraxia vero dixit. **U**ivit dominus meus: quia non requiesco donec officium meum complevero. Multum enim rogabatur a sororibus ut requiesceret. propter plagas quas habebat. et passa non est: sed sic ulcerata ex utraque plaga sanguine precurrente stabat: ministerium faciens sororibus. et neque in opere dei deerat. nec in alio ministerio. Rursus itaque alia vice. cum ascenderet cum iulia in solarium tertium: arripiens eam dyabolus precipitavit eam deorsum. Et cum exclamasset iulia: concurrentes sorores crediderunt se eufraxiam mortuam inuenire. Que surgens occurrit eis. Quam suscipientes introduxerunt eam ad abbatissam. interrogavitque eam si in aliquo fuisset lesa. Cui eufraxia respondit. **U**ivit dominus domina mea. quia nec quomodo cecidi: non. nec quomodo surrexi. Audiens abbatissa: quia de tanta altitudine corruens nihil esset lesa: glorificavit deum dicens. **V**ade filia ad opus tuum: et erit dominus tecum. Rursus ergo inimicus volens eam occidere. ollam feruentem habens in qua holus coquebat. ut effunderet coctionem holerum in vasculo. ablatisque pedibus a dyabolo retrosum cadens: olle illius coctionem in faciem suam fudit. Et dum omnes sorores in hoc facto expauescerent. exiliens eufraxia subrisit: et ait ad eas. **U**t quid turbante estis? Abbatissa vero videns quia non fuisset lesa: respexit in ollam et vidit quia quod remanserat esset feruens. Et conuersa dixit eufraxia. **V**ere domina mea quia velut aqua frigida venit in faciem meam. Admirata est vero abbatissa: et intuens in eam dixit. **F**ilia deus te custodiat: et tibi sine intermissione tolerare in suo timore concedat. Et ingressa abbatissa oratorium: conuocavit priores seniores: dixitque eis. **N**ostis quia eufraxia promeruit gratiam dei? Cognouistis enim. quia nec precipitata pertristata est neque nimietate feruoris exusta est. At ille dixerunt. **V**ere ancilla dei est eufraxia: et curam eius habet dominus. nam in huiusmodi temptationibus liberata est a domino. Omnis itaque ciuitas atque prouincia consuetudines habebat. ut infantes male habentes in illud deduceret monasterium: ad ancillas dei

miracula facientes. et suscipiebat eos abbatissa et ingrediebantur in oratorium: et supplicabant pro eis dominum. et mox ab omni languore sanabatur infantes. et recipiebant eos matres proprie sanos. perficiscetes atque glorificantes deum. Erant autem quedam in monasterio mulier energumina. ab infantia obligata in monasterio: quatenus saluaret. que habebat spiritum immundum demonem. ligatis manibus et spiritum facies. et dentibus suis stridens: multumque clamans ita ut omnes audientes eam timore periderent. Et eufraxia frequenter abbatissa cum senioribus sororibus pro salute eius orasset: nihil promeruit. Quapropter nec valebant se ad eam iungere: ut ei vel cibum offerret. Erat autem ligata quoddam vasculum in fune: et ipso vasculo legumina vel panes mittebant. et appendebat ipsius vasculum: et sic ei de longe porrigebat. et ita vescebatur. Frequenter autem abiciens ipsius vasculum: cum virga iaculabatur in faciem offerretis sibi cibum. Unam vero diem factus est: ut intraret ostiaria et diceret abbatisse. **D**omina mea quedam mulier infantulum adduxit: et stans foris ad ianuam deflet. Est autem infantulus qui annorum circiter octo. paliticus. surdus et mutus. Videns autem abbatissa spiritum sibi reuelante. quod gratiam promerisset a domino contra demones eufraxia. dixit ostiarie. **V**oca mihi eufraxiam. Que cum venisset ante abbatissam: dixit ei. **V**ade suscipe infantem a matre sua: et defer huc. Illa vero egressa. et videns infantulum paliticum et trementem: miserta est super eum. et ingemiscens dolenter signauit infantes: et dixit ei. **Q**ui te creauit: ipse te sanet fili. Et sumens eum pergebat ad abbatissam. Infans vero dum portaretur ab eufraxia: sanatus est. et clamauit matri sue. Videns autem eufraxia quia infantulus cepisset loqui: perterrita proiecit eum in terram. Infantulus autem mox exurgens cucurrit ad ianuam: querens matrem suam. Currēs autem ostiaria nuntiavit abbatisse quod factum est. Que cum vocasset matrem infantis: dicit ei. **D**ic mihi inquit soror temptare nos venisti? Respondit autem mater infantis dicens. **P**er dominum nostrum iesum christum domina mea: quia neque ambulauit neque locutus est hic infans usque in presentem horam. Sed cum suscepisset eum hec domina soror: mox locutus est. Illa vero proieciens eum in terram: stetit obstupefacta. infantulus vero surgens venit ad me ancillam tuam. Dicit ei abbatissa. **E**cce ergo habes eum sanum. tolle eum et vade in pace. Que assumens filium suum: pergebat glorificans deum. Rursus ergo abbatissa dixit ad seniores sorores. **Q**uid vobis de eufraxia videtur? Cui respondentes dixerunt. **V**ere ancilla dei est. Vocauitque eam et dixit ei. **F**ilia mea eufraxia. volo ut huic patienti que in monasterio est: per manus tuas cibum offeras: si non times eam. Cui eufraxia respondit. **N**on timeo domina mea quicquid mihi precipis. Sumens ergo Eufraxia quoddam vasculum: misit in illud legumen et fragmen panis: et obtulit ei. Illa vero repente dentibus stridens: et valde fremens fecit impetum super eam. et apprehendens illud vasculum volebat perfringere. Eufraxia vero apprehendens manum eius dixit. **U**ivit dominus deus. si te posuero in terram: tollo te contra dominum ab-